

樂府詩集

樂府詩集卷第二十八

太原

郭茂倩

編次

相和歌辭

相和曲下

雞鳴

古辭

樂府解題曰古詞云雞鳴高樹巔狗吠深
宮中初言天下方太平蕩子何所之次言
黃金爲門白玉爲堂置酒作倡樂爲樂終
言桃傷而李仆喻兄弟當相爲表裏兄弟
三人近侍榮耀道路與相逢狹路間行同
若梁劉孝威雞鳴篇但詠雞而已又有雞

鳴高樹巔晨雞高樹鳴皆出於此

雞鳴高樹巔狗吠深宮中蕩子何所之天下方太平刑
法非有貸柔協正亂名黃金爲君門璧一作碧玉爲軒闌
堂上有雙樽酒作使邯鄲倡劉王碧青甃後出郭門王
舍後有方池池中雙鴛鴦鴛鴦七十二羅列自成行鳴
聲何啾啾聞我殿東廂兄弟四五人皆爲侍中郎五日
一時來觀者滿路傍黃金絡馬頭頰頰何煌煌桃生露
井上李樹生桃傍蟲來齧桃根李樹代桃殭樹木身相
代兄弟還相忘

右一曲魏晉樂所奏

雞鳴篇

劉孝威

塒雞識將曙長鳴高樹巔
啄葉疑彰羽排花彊欲前
意氣多驚舉飄颺獨無侶
陳思助鬪協狸膏
郗昭妬敵安金距
丹山可愛有鳳凰
金門飛舞有鴛鴦
何如五德美豈勝千里翔

雞鳴高樹巔

梁簡文帝

碧玉好名倡夫婿侍中郎
桃花全覆井金門
半隱堂時欣一來下復比
雙鴛鴦雞鳴天尚早
東烏定未光

晨雞高樹鳴

張正見

晨雞振翮鳴出迥擅奇聲
蜀郡隨金馬天津應玉衡
摧冠驗遠石擊火出連營
爭棲斜揭暮解翼橫飛度
試飲淮南藥翻上仙都樹
枝低且候潮葉淺還承露
承露觸

嚴霜葉淺伺朝陽不見猜羣怯寶劍勇戰出花場當損
黃金距誰論白玉璫豈知長鳴逢晉帝恃氣遇周王流
名說魯國分影入陳倉不復愁符朗猶能感孟嘗

烏生

古辭

一曰烏生八九子樂府解題曰古辭云烏
生八九子端坐秦氏桂樹間言烏母子本
在南山巖石間而來爲秦氏彈丸所殺白
鹿在苑中人得以爲脯黃鵠摩天鯉在深
淵人得而烹煮之則壽命各有定分死生
何歎一作待前後也若梁劉孝威城上烏一
年生九雛但詠烏而已又有城上烏蓋出

於此

烏生八九子端坐秦氏桂樹間
嚙我秦氏家有遊遨蕩
子工用睢陽彊蘇合彈左手持彊彈
兩丸出入烏東西
嚙我一丸卽發中烏身烏死魂魄飛揚
上天阿母生烏子時乃在南山巖石間
嚙我人民安知烏子處蹊徑窈窕
宛安從通白鹿乃在上林西苑中
射工尙復得白鹿脯嚙我黃鵠
摩天極高飛後宮尙復得烹煮之
鯉魚乃在洛水深淵中釣鈎尙得
鯉魚口嚙我人民生各各有壽命
死生何須復道前後

右一曲魏晉樂所奏

烏生八九子

劉孝威

城上烏一年生九雛枝輕巢本狹風多葉早枯毳毛不
自煖張翼彊相呼金柝嚴兮翠樓肅蜃壁光兮椒泥馥
虞機衡網不得猜鷹鷲隼搏無由逐永願芙蓉曾氏冠
同瑞周王屋莫啼城上寒猶賢野間宿羽成翮備各西
東丁年賦命有窮通不見高飛帝輦側遠託日輪中一作
終尚逢王吉箭猶嬰夏羿弓豈如變彩救燕質入夢祚
昭公畱聲表師退集幕示營空靈臺已鑄像流蘇時候
風

城上烏

吳均

焉焉城上烏翩翩尾畢逋凡生八九子夜夜啼相呼質
微知慮少體賤毛衣籠陛下三萬歲臣至執金吾

同前

朱超

朝飛集帝城猶帶夜啼聲近日毛雖煖聞弦心尚驚

平陵東

古辭

崔豹古今注曰平陵東漢翟義門人所作也樂府解題曰義丞相方進之少子字文仲爲東郡太守以王莽方篡漢舉兵誅之不克見害門人作歌以怨之也

平陵東松柏桐不知何人劫義公劫義公在高堂下交錢百萬兩走馬兩走馬亦誠難顧見追吏心中惻心中惻血出漉歸告我家賣黃犢

右一曲魏晉樂所奏

同前

曹植

闔闔開天衢通被我羽衣乘飛龍乘飛龍與仙期東上蓬萊採靈芝靈芝採之可服食年若王父無終極

陌上桑

三解

古辭

一曰豔歌羅敷行古今樂錄曰陌上桑歌瑟調古辭豔歌羅敷行日出東南隅篇崔豹古今注曰陌上桑者出秦氏女子秦氏邯鄲人有女名羅敷爲邑人千乘王仁妻王仁後爲趙王家令羅敷出採桑於陌上趙王登臺見而悅之因置酒欲奪焉羅敷巧彈箏乃作陌上桑之歌以自明趙王乃

止樂府解題曰古辭言羅敷採桑爲使君
所邀盛誇其夫爲侍中郎以拒之與前說
不同若陸機扶桑升朝暉但歌美人好合
與古詞始同而末異又有採桑亦出於此
日出東南隅照我秦氏樓秦氏有好女自名爲羅敷羅
敷憇蠶桑採桑城南隅青絲爲籠係桂枝爲籠鈎頭上
倭墮髻耳中明月珠網綺爲下裙紫綺爲上襦行者見
羅敷下擔捋髭鬚少年見羅敷脫帽著幘頭耕者忘其
犁鋤者忘其鋤來歸相怒怨但坐觀羅敷解一使君從南
來五馬立踟躕使君遣吏往問是誰家姝秦氏有好女
自名爲羅敷羅敷年幾何二十尚不足十五頗有餘使

君謝羅敷寧可共載不羅敷前置辭使君一何愚使君
自有婦羅敷自有夫二解東方千餘騎夫婿居上頭何用
識夫婿白馬從驪駒青絲繫馬尾黃金絡馬頭腰中鹿
盧劍可直千萬餘十五府小史二十朝大夫三十侍中
郎四十專城居爲人潔白皙鬚鬚頗有鬚盈盈公府步
冉冉府中趨坐中數千人皆言夫婿殊三解前有豐
歌曲後有趨

右一曲魏晉樂所奏

同前

楚辭鈔

今有人山之阿被服薜荔帶女蘿旣含睇又宜咲子戀
慕予善窈窕乘赤豹從文狸辛夷車駕結桂旗被石蘭
帶杜衡折芳拔荃遺所思處幽室終不見天路險艱獨

後來表獨立山之上雲何容容而在下杳冥冥羌晝晦
東風飄颻神靈雨風瑟瑟木椽椽思念公子徒以憂

同前

魏武帝

駕虹蜺乘赤雲登彼九疑歷玉門濟天漢至崑崙見西
王母謁東君交赤松及羨門受要祕道愛精神食芝英
飲醴泉拄杖桂枝佩秋蘭絕人事遊渾元若疾風遊歛
飄飄一作飄景未移行數千壽如南山不怠愆

同前

魏文帝

棄故鄉離室宅遠從軍旅萬里客披荆棘求阡陌側足
獨窘步路局狎虎豹嗥動雞驚禽失羣鳴相索登南山
奈何蹈盤石樹木叢生鬱差錯寢蒿草蔭松柏涕泣雨

面霑枕席伴旅單稍稍日零落惆悵竊自憐相痛惜

右三曲晉樂所奏

同前

吳均

嫋嫋陌上桑蔭陌復垂塘長條映白日細葉隱鸚黃蠶
飢妾復息拭淚且提筐故人寧知此一作故人離恨煎
人腸

同前

王臺卿

令月開和景處處動春心挂筐須葉滿息倦重枝陰

同前

王筠

人傳陌上桑未曉已含光重重相蔭映軟軟一作軟弱自芬
芳秋胡始停馬羅敷未滿筐春蠶朝已伏安得久彷徨

同前

亾名氏

日出秦樓暎條垂露尚盈蠶飢心自急開奩妝不成

同前

李白

美女渭橋東

一作美女
細綺衣

春還事蠶作五馬如飛龍

一作五馬

飛如花

青絲結金絡不知誰家子調笑來相謔妾本秦羅

敷玉顏豔名都綠條映素手採桑向城隅使君且不顧
况復論秋胡寒蠶愛碧草鳴鳳棲青梧託心自有處但
恠傍人愚徒令白日暮高駕空踟躕

同前

常建

翳翳陌上桑南枝交北堂美人金梯出素手自提筐非
但畏蠶飢盈盈嬌路傍

同前

陸龜蒙

皓齒還如貝色

一作光

含長睂亦似烟華貼

一作帖

鄰娃盡

著繡襦獨自提筐採蠶葉

採桑

鮑照

季春梅始落工女事蠶作採桑淇洧間還戲上宮閣早

蒲時結陰晚篁

一作竹

初解籜靄靄霧滿閨融融景盈幕

乳燕逐草蟲巢蜂拾花藥是節最喧妍佳服又新爍欽

歎對回塗揚歌弄場藿抽琴試紆思薦佩果成託承君

郢中美服義久心諾衛風古愉艷鄭俗舊浮薄靈願悲

渡湘宓賦笑瀍

一作景

洛盛明難重來淵意爲誰涸君其

且調弦桂酒妾行酌

同前

梁簡文帝

春色映空來先發院邊梅細萍重疊長新花歷亂開連
珂往淇上接憶至叢臺叢臺可憐妾當牕望飛蝶忌跌
行衫領熨斗成褫禡寄語採桑伴訝今春日短枝高攀
不及葉細籠難滿

同前

姚翻

雁還高柳北春歸洛水南日照茱萸領風搖翡翠簦桑
間視欲暮閨裏遽飢蠶相思君助取相望妾那堪

同前

吳均

賤妾息不堪採桑渭城南帶減連枝繡髮亂鳳凰簞花
舞依長薄蛾飛愛綠潭無由報君信流涕向春蠶

同前

劉邈

倡妾不勝愁結束下青樓
逐伴西城路相攜南陌頭
葉盡時移樹枝高乍一作易
鈎絲繩提一作且脫金籠寫
仍收蠶飢日欲暮誰爲使君留

同前

沈君攸

南陌落光移蠶妾畏桑萎
逐使牽低葉爭多避小枝
摘馱籠行滿攀高腕欲疲
看金怯舉意求心自可知

同前

陳後主

春樓髻梳罷南陌競相隨
去後花叢散風來香處移
廣袖承朝日長鬟礙聚枝
柯新攀易斷葉嫩摘前萎
採繁鈎手弱微汗雜妝墜
不應歸獨早堪爲使君知